

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ
ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ
ՄԱՍԻՆ ՊԱՅՄԱՆԱԳԻՐ
N ԴՏՊ-1141-11016/24Վ

Քաղ. Երևան

«01» 02 2024թ.

Հայաստանի Հանրապետության աշխատանքի և սոցիալական հարցերի նախարարությունը (այսուհետ՝ նախարարություն) ի դեմս գլխավոր քարտուղար Սամվել Մուրադյանի (այսուհետ՝ պատվիրատու), որը գործում է նախարարության կանոնադրության հիման վրա, մի կողմից, և «Դու մենակ չես» կանանց աջակցման հասարակական կազմակերպությունը (այսուհետ՝ կազմակերպություն) ի դեմս կազմակերպության նախագահ Նաիրա Հարությունյանի (այսուհետ՝ կատարող), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2023 թվականի 2323-Ն որոշումը (այսուհետ՝ որոշում), «1141 Ընտանիքներին՝ կանանց և երեխաներին աջակցություն» ծրագրի «11016 Ընտանիքում բռնության ենթարկված անձանց աջակցության կենտրոնների ծառայություններ» (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Պայմանագրով նախարարությունը պարտավորվում է միջոցառման իրականացման նպատակով պայմանագրի 5.1.-ին կետով սահմանված կարգով կազմակերպությանը հատկացնել որոշմամբ նախատեսված՝ գումարից մինչև 13.000 000 (տասներեք միլիոն) ՀՀ դրամ, իսկ կազմակերպությունը պարտավորվում է միջոցառումն իրականացնել որոշմամբ և պայմանագրով սահմանված կարգով:

1.2. Միջոցառմամբ նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են պայմանագրի N 1 և 7 հավելվածներում: Միջոցառումն իրականացվում է Վայոց Ձորի մարզում՝ 115 շահառուի համար, որից 25-ին մատուցվելու են նաև կանանց տնտեսական հզորացմանն ուղղված ծառայություններ:

1.3. Պայմանագրի գինը կարող է փոփոխվել երկկողմ համաձայնությամբ՝ պայմանագրի 9.6 կետի համաձայն նոր համաձայնագիր կնքելու դեպքում:

2. Կողմերի իրավունքները և պարտավորությունները

2.1. Նախարարությունն իրավունք ունի՝

2.1.1. ցանկացած ժամանակ (այդ թվում՝ Հայաստանի Հանրապետության ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել պայմանագրի 6.2.-րդ կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում միջոցառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է միջոցառմամբ նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում միջոցառմամբ սահմանված պահանջներին.

2.1.4. պայմանագիրն Հայաստանի Հանրապետության օրենսդրությամբ կամ պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը.

2.2.2. նախարարության կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները.

2.2.3. նախարարության համաձայնությունը ստանալու դեպքում՝ կատարել Հայաստանի Հանրապետության պետական բյուջեից տրամադրվող ֆինանսական միջոցների հոդվածային վերաբաշխում՝ բայց ոչ ավելի, քան պայմանագրի N 6 հավելվածով սահմանված ֆինանսական նախահաշվի ծախսային յուրաքանչյուր հոդվածի 10%-ի չափով:

2.3. Նախարարությունը պարտավոր է՝

2.3.1. միջոցառմամբ նախատեսված դեպքերում աջակցել կազմակերպությանը.

2.3.2. կատարել միջոցառման իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել միջոցառմամբ նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2.-րդ կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է միջոցառման և պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել միջոցառման շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել միջոցառմամբ և (կամ) պայմանագրով սահմանված նպատակներով ու չափաքանակներով.

2.4.3. կատարել նախարարության կողմից բացահայտված թերությունների վերացման նպատակով տրված ցուցումները.

2.4.4. պայմանագրով սահմանված կարգով մինչև հաշվետու ամսվան հաջորդող ամսվա 10-ը, իսկ դեկտեմբեր ամսվա համար՝ մինչև դեկտեմբերի 20-ը, նախարարությանը ներկայացնել հանձնման-ընդունման ակտը՝ համաձայն պայմանագրի N 5 հավելվածի, և հաշվետվությունները՝ համաձայն պայմանագրի N 3 հավելվածի, ինչպես նաև միջոցառումների իրականացման մասին եռամսյակային հաշվետվություններ՝ մինչև հաշվետու ժամանակահատվածի հաջորդող ամսվա 10-ը, իսկ չորրորդ եռամսյակի համար՝ մինչև դեկտեմբերի 20-ը, և տարեկան հաշվետվություն՝ միջոցառման ավարտից հետո՝ 10 աշխատանքային օրվա ընթացքում, եռամսյակային և տարեկան հաշվետվությունները՝ համաձայն N 2 հավելվածի.

2.4.5. պայմանագրի գործողության ընթացքում ապահովել միջոցառման իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել Հայաստանի Հանրապետության պետական բյուջե՝ մինչև տվյալ բյուջետային տարվա նախավերջին աշխատանքային օրը.

2.4.8. պայմանագրի 4.1-ին կետով սահմանված հանձնման-ընդունման ակտի հետ միաժամանակ Նախարարություն ներկայացնել կատարված փաստացի ծախսերի վերաբերյալ Հայաստանի Հանրապետության ֆինանսների և էկոնոմիկայի նախարարի 2007 թվականի հունվարի 9-ի N 5-Ն հրամանով սահմանված տնտեսագիտական դասակարգման սինթետիկ հաշվառմամբ հաշվետվությունը՝ համաձայն պայմանագրի N 3 հավելվածի: «Հաշվետվությանը կից անհրաժեշտ է ներկայացնել Հայաստանի Հանրապետության պետական բյուջեից փոխհատուցման ենթակա գումարների մասով կատարված ծախսերը հիմնավորող փաստաթղթեր, ինչպես օրինակ՝ հաշիվ ապրանքագրեր, վճարման հանձնարարականներ, աշխատաժամանակի հաշվարկի թերթիկ, աշխատավարձի հաշվարկի կամ վճարման տեղեկագրեր, ճանապարհածախսերի փոխհատուցման թերթիկ և այլն»:

2.4.9. միջոցառման իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը (ըստ պահանջի)

3.1. Նախարարությունն ըստ պահանջի միջոցառման իրականացման նախնական, ընթացիկ և վերջնական արդյունքների համապատասխանության նպատակով իրականացնում է մոնիթորինգ:

3.2. Մոնիթորինգն իրականացվում է Նախարարության և (կամ) նրա կողմից լիազորված կազմակերպության կամ անձի կողմից բացառապես նախօրոք մշակված հարցաթերթի միջոցով և (կամ) ըստ անհրաժեշտության՝ առանց հարցաթերթի:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և առաջարկություններ:

3.4. Նախարարությունը ցանկացած ժամանակ կարող է կատարվող գործողությունների շրջանակներում իրականացնել մոնիթորինգ՝ ուսումնասիրելով գործողություններին առնչվող ցանկացած փաստաթղթեր և նյութեր, ինչպես նաև կապ հաստատելով միջոցառման շահառուների հետ՝ նրանց շրջանում հարցում և եզրակացություն տալու նպատակով՝ առանց կազմակերպությանը տեղեկացնելու կամ ներգրավելու այս գործընթացում:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

3.6. Եռամսյակային հաշվետվությունների ներկայացված և համապատասխան հիմնավորող փաստաթղթերի հիման վրա բոլոր արդյունքային ցուցանիշների կատարողականը գնահատվում է համապատասխան վարչության կողմից՝ ըստ անհրաժեշտության ամփոփ վերլուծությունների և մոնիթորինգի վարչության հետ համատեղ:

4. Պայմանագրի արդյունքի հանձնման և ընդունման կարգը

4.1. Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը էլեկտրոնային համակարգի միջոցով նախարարությանն է տրամադրում իր կողմից հաստատված՝ հանձնման-ընդունման ակտը (N 5 հավելված) և հաշվետվությունը (N 3 հավելված):

4.2. Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1.-ին կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային համակարգի միջոցով կազմակերպությանն է տրամադրում իր կողմից հաստատված հանձնման-ընդունման ակտը:

4.3. Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2.-րդ կետում նշված ժամկետում էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

Եթե պայմանագրի 4.1 կետում նշված փաստաթղթերը ներկայացվում են ոչ պատշաճ, ապա այս դեպքում նախարարության կողմից 4 աշխատանքային օրվա ընթացքում այն վերադարձվում է՝ առկա թերությունները շտկելու և 3 աշխատանքային օրվա ընթացքում կրկին ներկայացնելու համար: Այն դեպքում, երբ կազմակերպությունը 3 աշխատանքային օրվա ընթացքում նախարարության կողմից ներկայացված թերությունները չի շտկում և կրկին ներկայացնում է նույն թերություններով՝ ապա այս դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4. Եթե պայմանագրի 4.2.-րդ կետով սահմանված ժամկետում նախարարությունը չի ընդունում պայմանագրի 4.1.-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2.-րդ կետով սահմանված վերջնաժամկետին հաջորդող աշխատանքային օրը նախարարությունը էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1. Կազմակերպությանը վճարումները կատարվում են հանձնման-ընդունման ակտի հիման վրա՝ պայմանագրի վճարման ժամանակացույցով (N 4 հավելված) նախատեսված ամիսներին, ըստ պայմանագրի շրջանակներում փաստացի իրականացված միջոցառումների կատարման արդյունքի:

Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը, եթե միջոցառումն սահմանված չեն վճարումների կատարման այլ կարգ և (կամ) ժամկետներ:

6. Կողմերի պատասխանատվությունը

6.1. Կազմակերպությունը պատասխանատվություն է կրում պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Պայմանագրի N N 1 և 7 հավելվածներում նշված միջոցառման չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1.-ին կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, հաշվետվությունները պայմանագրով սահմանված ժամկետներում չներկայացնելու, ինչպես նաև 4.3 կետում նշված ժամկետում թերությունները չվերացնելու դեպքերում:

6.3. Պայմանագրով նախատեսված միջոցառման կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1.-ին կետում նախատեսված գումարի 0.05 (զրո ամբողջ հինգ հարյուրերորդական) տոկոսի չափով:

6.4. Պայմանագրի 6.2.-րդ և 6.3.-րդ կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ:

6.5. Նախարարության կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

6.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Պայմանագրի գործողությունը տարածվում է 2024 թվականի հունվարի 1-ից ծագած հարաբերությունների վրա:

Պայմանագրով նախատեսված կողմերի իրավունքների և պարտականությունների կատարման պայման է պայմանագիրը ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Այն դեպքում, երբ օրենսդրությամբ նախատեսված կարգով օրենսդրության պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս

պարտավոր է Հայաստանի Հանրապետության օրենսդրությամբ սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.2. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.3. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ <https://www.mlsa.am/?cat=142> կայքում՝ նշելով հրապարակման ամսաթիվը:

9.4. Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը նախարարությունն այն ուղարկվում է նաև կազմակերպության էլեկտրոնային փոստին:

9.5. Պայմանագրով ստանձնած պարտավորությունը դադարում է կատարման անհնարինությամբ, եթե դա առաջացել է այնպիսի հանգամանքից, որի համար կողմերից որևէ մեկը պատասխանատու չէ՝ պայմանագրի կատարման անհնարինության մասին ողջամիտ ժամկետում գրավոր ծանուցելով մյուս կողմին: Այդ դեպքում կողմերն իրավունք չունեն միմյանցից պահանջելու պարտավորության կատարում: Սույն կետում նշված պայմանագրի կատարման անհնարինության մասին ողջամիտ ժամկետում մյուս կողմին չծանուցելու դեպքում՝ չծանուցող Կողմը պարտավորվում է մյուս կողմին վճարել տուգանք՝ պայմանագրի 1.1-ին կետում նախատեսված գնի 1 %-ի չափով:

9.6. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.7. Սույն պայմանագիրը կազմված է 36 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3, N 4, N 5, N 6 և N 7 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

9.8. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

Պ Ա Տ Վ Ի Բ Ա Տ ՈՒ

ՀՀ աշխատանքի և սոցիալական հարցերի
նախարարություն

Ք. Երևան, կառավարական տուն 3

ՀՀ ՖՆ գործառնական վարչություն

Հ/Հ 900011030724

ՀՎՀՀ 01506515

Բնակավայրի թափուղար՝ Սամվել Մուրադյան

(ստորագրություն) Կ.Տ



Կ Ա Տ Ա Ր Ո Ղ

«Դու մենակ չես» կանանց աջակցման կենտրոն

հասարակական կազմակերպություն

Վայոց ձորի մարզ, ք. Եղեգնաձոր Մոմիկի փ. նրբ 9/02

ՎՏԲ Հայաստան բանկ

Հ/Հ 16016026117001

ՀՎՀՀ 08915749

Նախագահ՝ Նահրա Հարությունյան

(ստորագրություն) Կ.Տ

ՄԻՋՈՑԱՌՈՒՄՆԵՐ

Կազմակերպությունը նշում է միայն այն լրացուցիչ միջոցառումները, որոնք նախատեսված չեն N 7 հավելվածով:

ՊԱՏՎԻՐԱՏՈՒ

Գլխավոր տնտեսական Սամվել Մուրադյան
/ստորագրություն/ Կ.Տ



ԿԱՏԱՐՈՂ

Նախագահ՝ Նաիրա Հարությունյան
/ստորագրություն/ Կ.Տ

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N__

1. Ընդհանուր տեղեկատվություն

Միջոցառման անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Միջոցառման իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

--

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

--

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

--

2.3. Խնդրում ենք ներկայացնել հաշվետու ժամանակահատվածում քաղաք դասերը և/կամ ծագած խնդիրները, որոնք խոչընդոտել են միջոցառման գործողությունների իրականացմանը:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել միջոցառման աշխատանքային պլանով, բայց իրականացվել են միջոցառման նպատակին հասնելու համար:

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան



Ստորագրություն/ Կ.Տ

ԿԱՏԱՐՈՂ

Նախագահ՝ Նսիրա Հարությունյան

Ստորագրություն/ Կ.Տ

Հավելված N 3
2024 թվականի 02.04-ին կնքված
N ԴՏԴ-1141-11016/24-Վ պայմանագրի

ՀԱՇՎԵՏՎՈՒԹՅՈՒՆ

ՀՀ 2024 թվականի պետական բյուջեի-----ամսում կատարված ծախսերի գծով փոխհատուցման ենթակա գումարների վերաբերյալ

Ծախսային հոդվածներ		Հաստատված նախահաշվի գումարը		Հաշվետու ժամանակահատվածում			Տարեսկզբից ածողական			
Տնտեսագիտական դասակարգման սինթետիկ հաշիվների անվանումը	ծածկ ազիրը	Պետական բյուջեից	Այլ միջոցներից նախատեսված	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Այլ աղբյուրների անվանումները
1	2	3	4	5	6	7	8	9	10	11
ԸՆԴՀԱՄՆԵՆԸ ՄԱԽՍԵՐ՝	x	0.0	0.0	0.0	0.0	0.0	0.0	0.0	0.0	0.0
Աշխատողների աշխատավարձեր և հավելավճարներ	4111									
Էներգետիկ ծառայություններ	4212									
Կոմունալ ծառայություններ	4213									
Կապի ծառայություններ	4214									
Ապահովագրական ծախսեր	4215									
Գույքի սարքավորումների վարձակալություն	4216									

Հանձնեց՝
Կազմակերպության գործադիր տնօրեն՝

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան

(ստորագրություն)՝ Վ.Տ.

Կազմակերպություն՝
ԿԱՏԱՐՈՂ

Նախագահ՝ Նարա Հարությունյան

(ստորագրություն)՝ Վ.Տ.



Հավելված N 4
2024 թվականի 02.09-ին կնքված
N ԴՏՊ-1141-11016/24-Վ պայմանագրի

ՎՃԱՐՄԱՆ ԺԱՄԱՆԱԿԱՑՈՒՅՑ*

հազար դրամ

Միջոցառման															
հրավերով նախատեսված չափաբաժնի համարը	Մրցույթի պլանով նախատեսված (CPV) կոդը	անվանումը	Կատարման դիմաց վճարումները նախատեսվում է իրականացնել 2024 թ-ին՝ ըստ ամիսների, այդ թվում**												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
Լոտ 10	99999999/830	«Ընտանիքում բոնուսյան ենթարկված անձանց աջակցության կենտրոնների ծառայություններ»	1,083.0	2,166.0	3,249.0	4,332.0	5,415.0	6,498.0	7,581.0	8,664.0	9,747.0	10,830.0	11,913.0	13,000.0	13,000.0

* Վճարման ենթակա գումարները ներկայացվում են առողական կարգով: Եթե պայմանագիրը կնքվում է մինչև ֆինանսական միջոցների նախատեսումը, ապա սույն ժամանակացույցը լրացվում և կնքվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:
** հրավերում գումարները չեն նշվում, իսկ պայմանագիրը կնքելիս նշվում է կոնկրետ գումարի չափ:

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան
/Գլխավոր քարտուղար/ Վ.Տ



ԿԱՏԱՐՈՂ

Նախագահ՝ Նաիրա Հարությունյան
/Նախագահ/ Վ.Տ

Կատարող

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

ԱԿՏ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

«__» ____ 2024 թ

Պետության կողմից դրամաշնորհի ձևով _____ կազմակերպությանը տրամադրվող ֆինանսական աջակցության գումարների օգտագործման մասին պայմանագիր

Պայմանագրի կնքման ամսաթիվը՝ «__» _____, 20 թ.

Պայմանագրի համարը՝ _____

Կողմերը՝ հիմք ընդունելով պայմանագրի կատարման վերաբերյալ ներկայացված _____ հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմն իրականացրել է հետևյալ միջոցառումները՝

N	Իրականացված միջոցառման							
	անվանումը	գործառույթի համառոտ նկարագիրը	արդյունքը		կատարման ժամկետը		վճարման ենթակա գումարը /հազար դրամ/	վճարման ժամկետը /ըստ պայմանագրի/
			ըստ պայմանագրի	փաստացի	ըստ պայմանագրի	փաստացի		
				Նոր ընդգրկված շահառուների թվաքանակ	Ընթացիկ շահառուների թվաքանակ			

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան

/ստորագրություն/ Կ.Տ



ԿԱՏԱՐՈՂ

Նախագահ՝ Նաիրա Հարությունյան

/ստորագրություն/ Կ.Տ

/ստորագրություն/ Կ.Տ

ՖԻՆԱՆՍԱԿԱՆ ՆԱԽԱՀԱՇԻՎ

(ՀՀ պետական բյուջեից տրամադրվող ֆինանսական միջոցների մասով)

Դրամաշնորհառու՝ «ԴՌԻ ՄԵՆԱԿ ՉԵՍ» ԿԱՆԱՆՑ ԱԶԱԿՑՄԱՆ Հասարակական կազմակերպության (ՀԿ) Ծրագրի անվանումը՝ «Ընտանիքում բռնության ենթարկված անձանց աջակցության կենտրոնների ծառայություններ»
Ծրագրի տևողությունը՝ «01». հունվարի 2024 թ.-ից «31». դեկտեմբերի 2024 թ.-ը

Հ/Հ	Բյուջեի տողի նկարագրական	Տոկոս	Միավոր	Միավորի քանակ	Միավորի արժեք (ՀՀ դրամ)	Պահանջվող գումար (ՀՀ դրամ)	Տոկոս ընդհանուրի մեջ
Աշխատավարձ							
Ա							
1.1	Ծրագրի ղեկավար	27,097	ամիս	12	126 000	1 512 000	11,631
1.2	Հաշվապահ	17,204	ամիս	12	80 000	960 000	7,385
1.3	Փաստաբան	12,688	ամիս	12	59 000	708 000	5,446
1.4	Սոցիալական աշխատող	28,387	ամիս	12	132 000	1 584 000	12,184
1.5	Հոգեբան	14,624	ամիս	12	68 000	816 000	6,277
Ընդամենը Ա							5 580 000
Բ							
Ծրագրային ծախսեր							
2.1	Անհատական մասնագիտական և գործնական կամ վերապատրաստման դասընթացների կազմակերպում և անցկացում	62,500	մասնակից	25	150 000	3 750 000	28,846
2.2	Ձեռք բերված մասնագիտությունների համապատասխան անհրաժեշտ գործիքակազմի տրամադրում	37,500	շահառու	25	90 000	2 250 000	17,308
Ընդամենը Բ							6 000 000
Գ							
Վարչական ծախսեր							
3.1	Կապի ծառայությունների վճար	2,169	ամիս	11	2 800	30 800	0,237
3.2	Տարածքի վարձավճար	93,897	ամիս	12	111 111	1 333 332	10,256
3.3	Գրենական պիտույքներ	3,934	ամիս	12	4 655,67	55 868	0,430
Ընդամենը Գ							1 420 000
Ընդամենը							13 000 000

Դրամաշնորհառու՝ «ԴՌԻ ՄԵՆԱԿ ՉԵՍ» ԿԱՆԱՆՑ ԱԶԱԿՑՄԱՆ Հասարակական կազմակերպության (ՀԿ) Ծրագրի անվանումը՝ «Ընտանիքում բռնության ենթարկված անձանց աջակցության կենտրոնների ծառայություններ»
Ծրագրի տևողությունը՝ «01». հունվարի 2024 թ.-ից «31». դեկտեմբերի 2024 թ.-ը

Ա							
1.1	Փաստաթան	28,190	ամիս	12	70 640	847 680	27,856
1.2	Սոցիալական աշխատող	27,591	ամիս	12	69 140	829 680	27,265
1.3	Հոգեբան	28,190	ամիս	12	70 640	847 680	27,856
1.4	Լոգոպեդ	16,029	ամիս	12	40 167	482 004	15,840
Ընդամենը Ա							3 007 044
Բ							
				Վարչական ծախսեր			
2.1	Պարտադիր վճարներ	100,000	ամիս	12	3 000	36 000	1,183
Ընդամենը Բ							36 000
Ընդամենը							3 043 044

Դրամաշնորհառու՝ «ԴՈՒ ՄԵՆԱԿ ՉԵՍ» ԿԱՆԱՆՑ ԱԶԱԿՑՄԱՆ Հասարակական կազմակերպության (ՀԿ) Ծրագրի անվանումը՝ «Ընտանիքում բռնության ենթարկված անձանց աջակցության կենտրոնների ծառայություններ»
Ծրագրի տևողությունը՝ «01». հունվարի 2024 թ.-ից «31». դեկտեմբերի 2024 թ.-ը

Հ/Հ	Բյուջեի տեսակը	Պահանջվող գումարը (ՀՀ դրամ)	Բյուջեի տողի նկարագրակա
Աշխատավարձ			
Ա/Ա	Ծրագրի աշխատակազմի աշխատավարձ		
1.1	Փաստաթան	847 680	12 ամիս x 70 640 դրամ
1.2	Սոցիալական աշխատող	829 680	12 ամիս x 69 140 դրամ
1.3	Հոգեբան	847 680	12 ամիս x 70 640 դրամ
1.4	Լոգոպեդ	482 004	12 ամիս x 40 167 դրամ
Ընդամենը Ա1			3 007 044
Ընդամենը Ա			3 007 044
Վարչական ծախսեր			
2.1	Պարտադիր վճարներ	36 000	12 ամիս x 3 000 դրամ
Ընդամենը Բ			36 000
Ընդամենը			3 043 044

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան



(ստորագրություն) / Կ.Տ

ԿԱՏԱՐՈՂ

Նախագահ՝ Նաիրա Հարությունյան

(ստորագրություն) / Կ.Տ

«ԸՆՏԱՆԻՔՈՒՄ ԲՈՒՆՈՒԹՅԱՆ ԵՆԹԱՐԿՎԱԾ ԱՆՁԱՆՑ ԱՋԱԿՑՈՒԹՅԱՆ ԿԵՆՏՐՈՆՆԵՐԻ ԾԱՌԱՅՈՒԹՅՈՒՆՆԵՐ» ՄԻՋՈՑԱՌՈՒՄ

Միջոցառումն իրականացվում է դրամաշնորհի տրամադրման մրցույթում հաղթող ճանաչված կազմակերպության կողմից, որն ընտանիքում բռնության ենթարկված անձանց (այսուհետ՝ շահառուներ) աջակցության կենտրոնների ծառայություններ է մատուցում՝ գործող օրենսդրությամբ սահմանված դեպքերում, կարգով և պայմաններով:

Շահառուներ՝

Միջոցառմամբ նախատեսվում է ծառայություններ մատուցել՝ ըստ լուրտով սահմանված շահառուների թվաքանակի (հավելված 1):

Մեթոդաբանական պահանջներ՝

Կազմակերպությունը ծրագիրը իրականացնելիս պետք է հիմնվի հետևյալ իրավական ակտերով նշված պահանջների վրա՝

- «Ընտանիքում բռնության կանխարգելման, ընտանիքում բռնության ենթարկված անձանց պաշտպանության և ընտանիքում համերաշխության վերականգնման մասին» ՀՀ օրենք,
- «Ընտանիքում բռնության ենթարկվածների ժամանակավոր աջակցության հաշվեհամարի տնօրինման կարգը սահմանելու մասին» ՀՀ կառավարության 2019թ.-ի մարտի 29-ի N 333 -Ն որոշում,
- «Ընտանիքում բռնության դեպքերի կենտրոնացված հաշվառման կարգը սահմանելու մասին» ՀՀ կառավարության 2019թ.-ի նոյեմբերի 2-ի N 1381 որոշում,

Ազդեցություն

- Հիմք կդրվի ընտանիքում բռնության երևույթի համակարգված կանխարգելմանը՝ նպաստելով կանանց և տղամարդկանց իրապես հավասար հնարավորությունների և իրավունքների արմատավորմանը,

- Կապահովվի ընտանիքում բռնության ենթարկված անձանց անվտանգ միջավայրի, ինչպես նաև օրենսդրությամբ սահմանված սոցիալական այլ ծառայությունների տրամադրման, ինչպես նաև ՀՀ օրենսդրությամբ և միջազգային պայմանագրերով ամրագրված դրույթներ,
- Ընտանիքում բռնության ենթարկված անձինք՝ կստանան օրենքով սահմանված համապատասխան աջակցությունները,
- Կապահովվի սերտ համագործակցություն քաղաքացիական հասարակության ոլորտի հետ, քանի որ անհրաժեշտ ծառայությունները մատուցվում են հասարակական կազմակերպությունների միջոցով՝ ծառայությունների պատվիրակման սկզբունքով,
- Կիրականացվի ընտանիքում բռնության ենթարկված անձանց համապարփակ վիճակագրություն,
- Հնարավորության դեպքում կլուծվի ընտանիքում բռնության ենթարկվածներին աշխատանքի տեղավորման և զբաղվածությամբ ապահովման խնդիրը:

ԴՐԱՄԱՇՆՈՐՀԱՅԻՆ ԾՐԱԳՐԻ
ՄԻՋՈՑԱՌՈՒՄՆԵՐ
LՈՏ 9-11

NN ը/կ	Դրամաշնորհի միջոցների հաշվին իրականացվող միջոցառման						
	անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	պահանջվող գումարը (դրամ)
1	«Ընտանիքում բռնության ենթարկված անձանց աջակցության կենտրոնների ծառայություններ»	1.Օրենսդրությամբ սահմանված կարգով աջակցության կենտրոն դիմած ընտանիքում բռնության ենթարկված անձանց իրենց իրավունքների	Աջակցության կենտրոն դիմած ընտանիքում բռնության ենթարկված անձանց համար հասկանալի լեզվով, իսկ հաշմանդամությոն ունեցող	Աջակցության կենտրոն դիմած ընտանիքում բռնության ենթարկված անձանց տեղեկացվածության մակարդակի բարձրացում՝ իրենց իրավունքների վերաբերյալ: Համապատասխան ծառայություններ ստացած	30.12.2024 թ.	Եռամսյակային հաշվետվության ներկայացում: (info@mlsa.am էլեկտրոնային հասցեին	Ըստ հայտարարված լուտի:

		մասին տեղեկացում:	անձանց դեպքում նրանց համար մատչելի եղանակով իրենց իրավունքների, հասանելի ծառայությունների և օրենքով նախատեսված պաշտպանության միջոցների և դրանցից օգտվելու կարգի մասին տեղեկացում:	անձանց թվաքանակի և ցուցակի առկայություն՝ նախարարության հետ նախապես համաձայնեցված ձև աչափի հիման վրա:		ուղարկելու միջոցով)	
2		2.Իրազեկման աշխատանքների իրականացում:	Իրազեկում ընտանիքում բռնության հիմնախնդիրներ ի, դրսևորման առանձնահատկությունների և դրական խարգելմանն ուղղված աջակցության կենտրոնների գործունեության, մատուցվող ծառայությունների և այլ ընտանեկան բռնությանն	Հասարակության իրազեկվածության մակադակի բարձրացում, համապատասխան իրազեկում ստացած անձանց թվաքանակ՝ տարեկան առնվազն 300 անձ: Իրազեկման դասընթացների, քննարկումների և միջոցառումների վերաբերյալ լուսանկարների, ինչպես նաև իրազեկում ստացած շահառուների ցուցակի առկայություն՝	30.12.2024 թ.	Եռամսյակայի ն հաշվետվության ներկայացում:	

			առնչվող տեղեկատվության վերաբերյալ:	նախարարության հետ նախապես համաձայնեցված ձև աչափի հիման վրա:			
3		3.Օրենսդրությամբ սահմանված կարգով ընտանիքում բռնության ենթարկված անձանց անհրաժեշտ ծառայությունների մատուցում:	Ընտանիքում բռնության ենթարկված անձանց աջակցության կենտրոնների կողմից անհատույց հոգեբանական, իրավաբանական օգնության և այլ անհրաժեշտ սոցիալ-վերականգնողական ծառայությունների մատուցում:	Կարգավորված են ընտանիքում բռնության ենթարկված անձանց հոգեբանական վիճակը, պաշտպանված են նրանց իրավունքները, լիարժեք ինտեգրված են հասարակությանը: Համապատասխան որակավորում ունեցող կամ վերապատրաստում անցած մասնագետների առկայություն: Ծառայությունն իրականացվել է սույն նկարագրի մեթոդական պահանջներին համապատասխան: Օրենսդրությամբ սահմանված կարգով անհրաժեշտ ծառայություններ ստացած անձանց թվաքանակի, ցուցակի ինչպես նաև սոցիալական աշխատողի խորհրդատվության	30.12.2024 թ.	Եռամսյակային հաշվետվության ներկայացում:	

				քանակի, հոգեբանի խորհրդատվության քանակի, իրավաբանի /փաստաբանի/ խորհրդատվության քանակի, այդ թվում հայցադիմումի, դատարան ներկայացված գործերի քանակի առկայություն՝ նախարարության հետ նախապես համաձայնեցված ձև աչափի հիման վրա:			
4		4. «Թեժ գիծ» ծառայության մատուցում:	Ընտանիքում բռնության ենթարկված անձանց աջակցության կենտրոնների կողմից «Թեժ գծի» միջոցով տրամադրվում է անհրաժեշտ խորհրդատվությո ւն:	Ապահովված է ընտանիքում բռնության ենթարկված անձանց իրենց կարիքներից բխող անհրաժեշտ խորհրդատվության տրամադրումը «Թեժ գիծ» ծառայության միջոցով: «Թեժ գիծ» ծառայության միջոցով համապատասխան խորհրդատվություն ստացած անձանց թվաքանակի և ցուցակի առկայություն՝ նախարարության հետ նախապես համաձայնեցված ձև	30.12.2024 թ.	Եռամսյակայի ն հաշվետվությ ան ներկայացում:	

				աչափի հիման վրա:			
5		5.Ընտանիքում բռնության ենթարկված, ինչպես նաև ընտանիքում բռնության ականատես երեխաներին օրենսդրությամբ նախատեսված անհրաժեշտ աջակցության տրամադրում:	Ընտանիքում բռնության ենթարկված, ինչպես նաև ընտանիքում բռնության ականատես երեխաներին ուղղորդում երեխաների ծառայություններ մատուցող կազմակերպություններ, անհրաժեշտության դեպքում նաև առաջնային հոգեբանական, սոցիալական և այլ տեսակի աջակցության տրամադրում:	Ապահովված է երեխայի լավագույն շահի իրացումը: Յուրքանջյուր շահառուի մասով առկա է դեպքի վարման նկարագրություն: Երեխաներին ծառայություններ մատուցող կազմակերպություններ ուղղորդած, ինչպես նաև առաջնային հոգեբանական, սոցիալական ծառայություններ ստացած երեխաների թվաքանակի և ցուցակի առկայություն՝ նախարարության հետ նախապես համաձայնեցված ձև աչափի հիման վրա:	30.12.2024 թ.	Եռամսյակայի ն հաշվետվության ներկայացում:	
6		6.Օրենսդրությամբ նախատեսված կարգով որոշման կայացում՝	Աջակցության կենտրոնի կողմից որոշման ընդունում	Սույն նկարագրի մեթոդական պահանջներին համապատասխան՝ ընտ	30.12.2024 թ.	Եռամսյակայի ն հաշվետվության	

		ապաստարանում տեղավորելու մասին:	ընտանիքում բռնության ենթարկվածների ն և նրանց խնամքի տակ գտնվող անձանց ապաստարանում տեղավորելու մասին՝ նրանց համաձայնությամբ:	անիքում բռնության ենթարկվածները և նրանց խնամքի տակ գտնվող անձինք ապահովված են անհատույց և ապահով բնակելի տարածքով: Ապաստարան ուղղորդված ընտանիքում բռնության ենթարկվածների և նրանց խնամքի տակ գտնվող անձանց թվաքանակի, ցուցակի առկայություն՝ նախարարության հետ նախապես համաձայնեցված ձևաչափի հիման վրա:		ներկայացում:	
7		7.Օրենսդրությամբ նախատեսված կարգով ընտանիքում բռնության դեպքերի վերաբերյալ վիճակագրության վարում:	Աջակցության կենտրոնների կողմից համապատասխան վիճակագրության վարում և սահմանված կարգով արդյունքների ներկայացնում ՀՀ աշխատանքի	Առկա է մեթոդական ցուցումներին համապատասխան ընտանեկան բռնության դեպքերի համապարփակ վիճակագրություն: Վիճակագրությունը վարվում է նախարարության հետ նախապես	30.12.2024 թ.	Ամենամյա հաշվետվության ներկայացում:	

			և սոցիալական հարցերի նախարարություն:	համաձայնեցված ձևաչափի հիման վրա:			
8		8.Ընտանիքում բռնության ենթարկված անձանց ուղղորդման միջոցով աշխատանքի տեղավորման, ինչպես նաև պետությունից կամ համապատասխան կազմակերպություններից սոցիալական աջակցություն ստանալու հարցերում աջակցում:	Աջակցում և ուղղորդում են ընտանիքում բռնության ենթարկված անձանց աշխատանքի տեղավորման, ինչպես նաև պետական ծրագրերից կամ այլ կառույցների կողմից իրականացվող ծրագրերից սոցիալական աջակցություն ստանալու հարցերում:	Լուծվել են ընտանիքում բռնության ենթարկված անձանց աշխատանքով ապահովման, ինչպես նաև սոցիալական աջակցության ստացմանն առնչվող հարցերը: Ուղղորդման միջոցով աշխատանքի տեղավորված, ինչպես նաև պետական և այլ ծրագրերից սոցիալական աջակցություն ստացած անձանց թվաքանակի և ցուցակի առկայություն՝ նախարարության հետ նախապես համաձայնեցված ձևաչափի հիման վրա:	30.12.2024թ	Եռամսյակայի ն հաշվետվության ներկայացում:	
9		9. Օրենսդրությամբ նախատեսված կարգով ընտանիքում բռնության .	Աջակցության կենտրոնն դիմած անձի համաձայնությամբ դիմում է ոստիկանության	Ավահովված է ընտանիքում բռնության ենթարկվածների անվտանգությունը: Ոստիկանություն և	30.12.2024թ	Եռամսյակայի ն հաշվետվության ներկայացում:	

		ենթարկված անձաց իրավական պաշտպանության ապահովում:	համապատասխան ստորաբաժանմանը՝ նախազգուշացման կամ անհետաձգելի միջամտության որոշում կայացնելու հիմքերի առկայությունն ստուգելու համար, ինչպես նաև օրենքով նախատեսված դեպքում դատարան դիմում պաշտպանական որոշում կայացնելու դիմումով:	դատարան ներկայացված դիմումների քանակի, ցանկի, ինչպես նաև վերոգրյալ մարմինների կողմից կայացրած որոշումների առկայություն՝ նախարարության հետ նախապես համաձայնեցված ձևաչափի հիման վրա:			
10		10. Օրենսդրությամբ սահմանված կարգով պետության կողմից տրամադրվող միանվագ ֆինանսական փոխհատուցման	Ընտանիքում բռնության ենթարկվածների ն միանվագ դրամական փոխհատուցում տրամադրելու վերաբերյալ միջնորդության	Ընտանիքում բռնության ենթարկվածները ապահովված են պետության կողմից միանվագ դրամական աջակցությամբ: Դրամական փոխհատուցում ստացած	30.12.2024թ	Եռամսյակայի ն հաշվետվության ներկայացում:	

		ստանալու գործընթացում ընտանիքում բռնության ենթարկվածներին աջակցում և միջնորդության ներկայացում:	կազմում և ներկայացում Հիազոր մամնին, անհրժեշտ փաստաթղթերի հավաքագրմանն օժանդակում:	անձանց ցանկի առկայություն՝ որպես անձնական գործի մաս:			
11		11. Համագործակցության ապահովում պետական և տեղական մարմինների, Կանանց ռեսուրս կենտրոնների, ինչպես նաև այլ շահագրգիռ հասարակական կազմակերպությունների հետ:	Աջակցության կենտրոնի կողմից համագործակցություն պետական և տեղական շահագրգիռ գերատեսչությունների, մասնավորապես՝ Միասնական սոցիալական ծառայության տարածքային կենտրոնների, ինչպես նաև շահագրգիռ հասարակական կազմակերպությունների այդ թվում՝ թրաֆիքինգի և շահագործման զոհերին	Լուծված են միջոլորտային համակարգային խնդիրները և առկա է ներդաշնակեցված համագործակցություն շահագրգիռ բոլոր կառույցների հետ: Համագործակցող կառույցների հետ ունեցած պաշտոնական նամակագրությունների և փաստաթղթերի առկայություն:	30.12.2024թ	Եռամսյակային և հաշվետվության ներկայացում:	

			համապատասխան աջակցություն տրամադրող կազմակերպությունների հետ:				
12		12. Աջակցության կենտրոնների կողմից կանանց տնտեսական հզորացմանն ու զարգացմանն ուղղված ծառայությունների մատուցում՝ ըստ շահառուի նախասիրությունների և գնահատված կարիքի, անհրաժեշտության դեպքում նաև գործիքակազմի տրամադրում:	Աջակցության կենտրոնների կողմից ծառայությունների մատուցում, որոնց շրջանակներում ընտանիքում բռնության ենթարկված անձինք ձեռք կբերեն մասնագիտական հմտություններ, կապահովվեն զբաղվածությամբ:	Ընտանիքում բռնության ենթարկված անձինք ձեռք են բերել մասնագիտական հմտություններ, լուծվել են նրանց զբաղվածության, սեփական կյանքի ինքնուրույն կազմակերպման հարցերը: Համապատասխան ծառայություններ ստացած անձանց թվաքանակի և ցուցակի առկայություն՝ նախարարության հետ նախապես համաձայնեցված ձև աչափի հիման վրա:	30.12.2024 թ.	Եռամսյակային և հաշվետվության ներկայացում:	

ՊԱՏՎԻՐԱՏՈՒ

Գլխավոր քարտուղար՝ Սամվել Մուրադյան
/ստորագրություն/ Կ.Տ



ԿԱՏԱՐՈՂ

Նախագահ՝ Նարեկ Հարությունյան
/ստորագրություն/ Կ.Տ

~~My name~~

h.h. Gandy

HP